

KREDITI ZA PAMETNA ENERGETSKA RJEŠENJA ZA FIZIČKA LICA

Addiko Bank d.d. Sarajevo: GEFF program za finansiranje zelenih investicija uz mogućnost povrata do 20%



**Addiko
Bank**



U saradnji sa Evropskom Bankom za obnovu i razvoj (EBRD), a u okviru Programa finansiranja zelene ekonomije na Zapadnom Balkanu (GEFF), Addiko banka omogućava finansiranje energetski efikasnih tehnologija/investicija.

Addiko Bank d.d. Sarajevo vrši kreditiranje fizičkih lica koja žele investirati u zelene projekte i tehnologije u sektoru gradnje i renoviranja uz mogućnost EU poticaja do 20% od iznosa kredita, dok kompanija Senigor učestvuje kao ponuđač proizvoda pogodnih za zelene investicije.

Maksimalan iznos nenamjenskog kredita za pametna energetska rješenja za fizička lica je 50.000 KM uz fiksnu kamatnu stopu i vremenski rok otplate do 10 godina.

Senigor korisnicima kredita nudi energetski efikasne tehnologije, koje omogućavaju uštedu energije i novca, kao i zaštitu okoliša.

„Zelene inicijative više nisu luksuz - one su pametna i odgovorna odluka. Naš cilj je da građanima olakšamo pristup finansiranju i da kroz EU poticaj nagradimo one koji biraju održiva rješenja“, navodi Aldijana Muhić, voditelj odjela Partnerstva i kanali distribucije Addiko banke.

„Senigor sa velikim zadovoljstvom podržava ovaj program jer vjerujemo da tehnološki napredna i ekološki odgovorna rješenja trebaju biti dostupna svakome“, istakao je Sadat Begić, predstavnik Senigora.

Kako dodaje Muhić, u vremenu kada održivost postaje jedan od ključnih faktora razvoja, ova linija kredita predstavlja konkretan korak ka energetski efikasnijim domovima, Kroz sinergiju finansijskog

sektora i tržišta građevinskih tehnologija, Addiko banka i Senigor šalju jasnu poruku: održiva rješenja su dostupna, isplativa i podržana.

EBRD GEFF na Zapadnom Balkanu sufinansiraju Evropska unija kroz Investicioni okvir za Zapadni Balkan, Austrija, Japan, Danska, te Austrija i Švicarska kroz Partnerstvo sa visokim utjecajem na klimatske mjere (HIPCA)*.

**HIPCA podržavaju Austrija, Kanada, Finska, Njemačka, Holandija, Južna Koreja, Španija, Švicarska, Tajvan, CDF, Ujedinjeno Kraljevstvo i Sjedinjene Američke Države.*

Više informacija klijenti mogu saznati na web stranici Banke ([EBRD kreditna linija za pametna energetska rješenja za fizička lica - Addiko Bank Sarajevo](#)) kao i u najbližim poslovnim jedinicama Banke i Senigor-a.